

率也

黃茂材曰謂之聖人出而與民同患者也天下之人孰不注其耳目今也慄慄然渾其心無所是非無所好惡可以使民由之而不知孩者未有知也

程大昌曰若嬰兒之未孩則孩也者又嬰兒之維者也孟子曰大人不失赤子之心者也則赤子也者取其方為嬰兒而真淳尤為未散者也百姓既注其耳目而聖人遂求有以復其赤子之初

出生入死章第五十

出生入死

道藏輯要

道德真經
彭鶴林集註

全

心集七
川上

御註曰萬物皆出於機入於機天機自張與出俱生天機自止與入俱死生者造化之所始死者陰陽之所變

碧虛子陳景元曰未出乎域中者也

涑水司馬光曰出生地則入死地

穎濱蘇轍曰性無生死出則為生入則為死

生之徒十有三死之徒十有三民之生動之死地亦十有三碧虛子陳景元曰徒類也生之徒謂攝生者之類也死之徒謂趨死者之類也十有三者韓非曰四肢與九竅十有三動靜屬於生死焉夫善攝生者目不妄眦於采色耳不妄聽於淫聲鼻不妄嗅於穢腥口不妄言於非道手不妄持於凶器

足不安履於邪徑動靜儵然諸惡莫犯此乃長生之徒也趨死者目亂於采色耳耽於淫聲鼻因於穢膾口美於非道手便於凶器足捷於邪徑動靜沒溺諸吉無有此乃近死之徒也夫生死之原皆係此十三事矣孫登曰天地之物有生之類順理者寡逆理者眾故十分之中順理者三耳夫生不以道死不以理順生者少則逆死者多故死之中順命者三耳或解云三業十惡能制伏者長生之徒放縱者近死之徒以理推之九竅四肢最長

涑水司馬光曰言十人之中大約柔弱以保其生者三剛強以速其死者三雖志在愛生而不免於趨死者亦三其所以

道藏輯要

道德真經
彭鶴林集註

矣

心集七
×××

愛生而趨死者由其自奉養太厚故也

穎濱蘇轍曰用物取精以自滋養者生之徒也聲色臭味以自戕賊者死之徒也二者既分生死之道矣吾又知作而不知休知言而不知默知思而不知忘以趨於盡則所謂動而之死地者也生死之道以十言之三者各居其二矣豈非生死之道九而不生不死之道一而已乎不生不死則易所謂寂然不動者也老子言其九不言其一使人自得之以寄無思無爲之妙也

臨川王安石曰有求生以惡滅者生之徒十有三是也有求滅以惡生者死之徒十有三是也有生無異於死者動之死

地亦十有三是也惟其不悟真滅真生是以不脫輪迴故曰生之徒十有三死之徒十有三動之死地亦十有三

道真仁靜先生曹道沖曰修生者若奉黃老之道求長生不死者也亦十中或有三得之死之徒若奉釋氏修無生寂滅之道亦十中或有三得之既不達黃老長生之旨又不悟釋氏無生之性故其數終則死而枉縱之人不得天數凡所動作皆趨速死之地又非修無生不往不來之法皆以嗜慾動則就虧神損道之地十中亦有三以此而自致傷天之者

三我了一子李文恕曰夫坎水子位在人為腎宜實而不宜虛元陽復還之生門也離火午位在人為心宜虛而不宜實

道藏輯要

道德真經
彭鶴林集註

允

心集七
八上六

眾陰剝陽之死尸也是以人能修坎則生役離則死故攝生者悟精氣之生身在乎坎妄念之喪神在乎離故自少至老一周十二辰消而從坎重複即生之徒十有三重陽而再益火滅而益膏也不善攝生者莫知生理役用從離妄念縱慾故自少至老亦一周十二辰消而自離再姤即死之徒十有三重陰而再損膏竭而益火也

葉夢得曰十有三四肢九竅是也老氏蓋嘗以有身為大患矣而昧者不察累於有身之患皆無能外此十有三物之間使能知其非我有則超然乃立乎形骸之外豈出入之所得名然而沉迷轉徙自壯至老日化而至於死非特不知生而

且其動而趨焉者未嘗不之於死地也則亦以是十有二物而已

黃茂材曰坎為水水數六離為火火數七凡十有三也

林東曰出於胚胎則為生體魄入地則為死雖有生死而九

竅四肢生死俱焉一身之中上七竅而下二竅兩手兩足故

謂十有三也然動之死地亦十有三蓋以自戕自賊動與惡

會而自趨死地亦十有三

本來子邵若愚曰老子以十分為率而言之生之徒十分中

有三分死之徒十分中有三分又有民之緣求養生動之死

地亦十分中有三分緣生之徒心著有死之徒心著無民之

道藏輯要

道德真經 彭鶴林集註

卒

心集七

生心著境三者心有所著皆居生死之地

夫何故以其生生之厚

御註曰不知身之為大患

穎濱蘇轍曰有生則有死故生之徒則死之徒也人之所賴

於生者厚則死之道常十九

蓋聞善攝生者陸行不遇兕虎入軍不被甲兵兕無所投其角

虎無所措其爪兵無所容其刃夫何故以其無死地

碧虛子陳景元曰諸惡害其有情而不損其無心

穎濱蘇轍曰至人常在不生不死中生地且無安有死地哉

達真子曰凡言攝者皆非己所有也能齊死生則以生為假

攝而已

陳象古曰外境之來於我何有

道生之章第五十一

道生之德畜之物形之勢成之是以萬物莫不遵道而貴德道之尊德之貴莫之爵而常自然

碧虛子陳景元曰道者虛無之體德者自然之用道體虛無運動而生物物從道受氣故曰生之德用自然包含而畜物物自德養形故曰畜之凡動植之類皆本道而生因德而養物質方具故形之物既形矣則隨四時之勢而成之道降純精而生物之性德含和氣而養物之形道可以爲父德可以爲母由此而言萬物無有不尊仰於道而貴重於德也爵者錫命也世之所以尊貴者皆因王者之爵命萬物咸被道德生成之功而尊貴若父母者是道德非假於爵命而常自然有所攝伏也

穎濱蘇轍曰道者萬物之母故生萬物者道也及其運而爲德牧養羣眾而不辭故畜萬物者德也然而道德則不能以自形因物而後形見物則不能自成遠近相取剛柔相交積而爲勢而後興亡治亂之變成矣

王雱曰德者道之分物者德之器勢者物之理道尊而德卑德貴而物賤尊者如君父貴者如金玉命於天則爲天子命

道藏輯要

道德真經
彭鶴林集註

卷

心集七
川文七

於天子則爲諸侯有所受命則出命者能賤之矣惟道在萬物之先而制其命孰能爵之故常自然也

清源子劉驥曰萬物之尊道而貴德也迎之不見其首隨之不見其後不可得而尊故不可得而卑不可得而貴故不可得而賤所以莫之爵而常自然也

黃茂材曰道有常尊不待物而尊德有常貴不因物而貴非如人爵者也人爵尊貴出於使然道德尊貴自然而已

故道生之畜之長之育之成之熟之養之覆之生而不有爲而不恃長而不宰是謂立德

御註曰別而言則有道德勢物之異合而言則皆出於道道

道藏輯要

道德真經
彭鶴林集註

奎

心集七
X。X

者萬物之奧也萬物化作而道與之生萬物斂藏而道與之成出乎震成乎艮養乎坤覆乎乾剛柔相摩八卦相盪若有機緘不能自巳道實冒之

碧虛子陳景元曰此八者皆大道之元功肖翹蠕動之物得不尊之貴之乎道之生乎萬物若顯其有則收其仁矣養乎萬物若恃其爲則居其功矣長育羣材成熟庶品養覆動植若矜其宰則處其長矣有是而退藏於密可謂陰德深矣遠矣

臨川王安石曰此三者皆出於無我故謂之元德

黃茂材曰道之與德相爲用也始言其道之大終言其德之

元元者妙也非妙不足以繼其道

天下有始章第五十二

天下有始以爲天下母既得其母以知其子既知其子復守其母沒身不殆

御註曰無名天地之始有名萬物之母始與母皆道也自其氣之始則謂之始自其生生則謂之母有始則能生生矣道能母萬物而字之則物者其子也通於道者兼物物故得其母以知其子多聞則守之以約多見則守之以卓窮物之理而不累於物達道之微而不失其妙則利用出入往來不窮可以全生可以盡年而無危殆之患

道藏輯要

道德真經
彭鶴林集註

叁

心集七
×ニ

碧虛子陳景元曰成者子也生者母也子者一也一爲沖氣乃道之子所謂道生一也一爲道之子道爲一之母道爲真精之體一爲妙物之用既得其道體以知其妙用體用相須會歸虛極夫人既知其妙物之用而復守其真精之體體用冥一感應不窮然後可以無爲而無不爲故能沒身不殆矣
頴濱蘇轍曰聖人體道以周物譬如以母知子了然無不察也雖其智能周之然而未嘗以物忘道故終守其母也
臨川王安石曰一陰一陽之謂道而陰陽之中有沖氣沖氣生於道道者天也萬物之所自生故爲天下母夫物芸芸各歸其根歸根曰靜靜曰復命則得以返其本也故曰復守其